

Toch mi a keda poco decepciona cu "Shon Eclipse"

Nos tin cu prepara pa Pasco Grandi, Dia di Mama, Dia di Tata, y nos ta prepara pa Pasco, pa Aña Nobo, pa Carnaval, y prome cu bo sa, e dia a yega y e dia a pasa.

"Mira con lihe e dia aki a yega y pasa", ta e comentario cu ta ser scucha despues, y ta esaki tambe ta locual a tende ayera tambe.

Asina cu e "eclipse total" a pasa y cu solo a sali atrobe, tur cos a bira normal.

E entusiasmo, e expectativa, e emocionnan prome y durante eclipse, a desaparece.

Locual si tabata interesante, ta pa tende hende papia di esaki oranan despues, algo cu pa e otro diano menciona ariba, bo no ta haya y cu tanto entusiasmo.

Kico mi a gusta y kico mi a mira?

Mi a gusta masha hopi e temperatura cu Aruba a goza di dje ultimo diez minuut prome cu e eclipse total, y e minuutnan cu a sigui.

Mi a gusta e "Ploff" ora cu solo a sali atrobe, aunke e "ploff" ta imaginario.

Faltando mas omenos dos minuut prome cu e "eclipse total", diripiente algun prikichi a sali di un mata den cercania yen di "krie krie krie chie chie".

Prome cu mi por a reacciona bon, mi a tende "klap klap klap" y mira algun paloma sali for di dak di un edificio den vecindario, di WEMA San Nicolas.

Prome cos cu mi a pensa tabata: "Mi ta spera cu nan no haya diarea net awor y bashe riba mi".

E palomanan tabata mas spanta cu e prikichinan y a desaparece.

Pero patras di e muraya cu ta separa e casnan, mi a tende "plaplap plap plap".

Tabata tres galiña den un kauchi cu a cuminsa nan "Bati bati bo ala", y mi a hayami ta fluit "Bati bati bo samba" di Los duques.

Tabata e ora ey cu mi a corda riba animalnan, pahranan y tur bestia. Mi a bira cara pa busca Chochi, y diripiente cielo a cera y a bira scur, Chochi a dal un cori direccion di Victoria Bottling Company, cu ni un jaguar por a kibra su record di velocidad.

Ta prome biaha cu mi a mira e cacho cu semper tabata tin dolo di hasta hisa su patanan pa cana, bira "macho" y move asina lihe.

Tur e momento ey e tempo cu tabata tin pafo a encantami, y tambe e opaco cu cielo a bira na dado momento.

E sentimento festivo a dreña ora cu mi a tende klaapchi ta zona, y mira vuurwerk ta kibra den laira. Na Savaneta mi a ripara cu tabata tin pagara cu a wordo tira.

Toch mi a keda desapunta.

E anochi den dia cla no a bira preto.

Mi no a haya e scuridad cu mi a spera di goza di dje. Mi a keda desapunta!

Un minuut despues di e "ploff" di candela, ma dreña auto y sali pa

Playa.

Ni den maduga 3 of 4 or tin asina poco vehiculo riba caya manera mi a experimenta aki.

Aruba tabata morto di San Nicolas pa Playa.

Ta den un cura di cas na Savaneta (mey mey) mi a mira algun hende sinta, y poco mas pabao yegando Pos Chiquito, mi a mira algun joven pafo di un cura di cas.

Caya tabata asina tranquil cu ta despues di por lo menos 15 aña mi a haya un trafico di San Nicolas pa Playa asina tranquil.

Kico mi no a gusta?

Mi no a gusta e reportahenan radial cu mi tabata scucha di algun emisora. Mi a haya esun di 1270 y MiFm hopi bon.

Tabata tin emisora cu tabata transmiti como si fuera ta un partido di futbol nan ta transmitiendo, tanto prome como despues di e "Eclipse".

Mi a gusta e poco cu mi a mira di CSS cu su transmision for di Corsow y con sakseno e reportahenan tabata tuma lugar, cu algun entrevista y comentario masha interesante.

Di e canalnan di Aruba, mi no por bisa mucho pasobra e "partidonan deportivo" transmiti, entrevistanan pa loco y den algun caso cu preguntanan cu no ta al caso, y falta di vocabulario y preparacion, a pone cu mi no a worry cu nan.

Tabata tin un emisora cu a haci un show completo di su transmision. Manera nan a cuminsa comenta e eclipse, mi a bira back pa 12.70 caminda por a sigui e "After Eclipse" masha interesante.

Di ATV Tessa Pietersz tabata mas agradable pa scucha den su comentarionan, y di Tele Aruba e grabacionnan cu entrevistanan tabata interesante y tabata tin bon comunicacion cu e transmision for di Venevision cu for di mainta a capta hopi interes na Aruba.

COMENTARIONAN SCUCHA DESPUES

Un persona a yama pa splica cu tur mainta e pahranan na Bubali Plas ta bula bay Dump pa busca cuminda y ta bolbe atardi.

Pero ayera merdia asina cu e "eclipse total" a tuma lugar, tur a bula bolbe Bubali Plas.

Un otro a comentami cu e tabata observa un chuchubi ta cana dilanti su veranda.

Diripiente e chuchubi a cuminsa cana pariba pabao manera "el a perde caminda di cas."

Hopi hende a keda masha encanta cu e eclipse y ya ta cana rond cu idea pa bay Europa augustus otro aña pa experimenta eclipse eyan.

Riba mi Mapa, entre Zurich y Paris bo ta mire dos minuut y mas den parti oost, e ta dura poco seconde mas principalmente banda di Turquía.

E eclipse total tabata un preciosidad pa tur hende y mi ta spera cu aki 60 aña dia 11 di mei 2059 lo mi bini cu otro reportahe.

Juby

COSMIL

Pa un cabei bonita i saludabel

Pa un examinacion microscopico di cabei GRATIS yama: 826941



KOZLOON

Chinese Restaurant
Established 1975

Offering the finest in regional Chinese cuisine from Shanghai, Hunan, Canton, Szechwan and Peking... prepared by experienced Chinese cooks.

Conveniently located at Emmastraat 11, at walking distance from the Mainstreet and Downtown bus-stop...

Private room available for meetings, lunch or dinner.

Restaurant open daily from 11 am to 10 pm.

For reservations or Take-away order,
phone: 824950



Visser Holding Aruba N.V. een onderneming die zich bezighoudt met de exploitatie van apotheken en het importeren van farmaceutische, medische en drogisterij artikelen, zoekt een

Assistent Controller

Functie omschrijving:

Binnen de Accountants Afdeling bent u de Troubleshooter bij administratieve problemen, u assisteert de Financiële Controller bij het opstellen van de rapportages en de administratieve procedures en daarnaast voert u controles geheel zelfstandig uit.

Functie-eisen:

- Ruime ervaring met geautomatiseerde systemen en boekhoudprogramma's is een vereiste;
- Een kritische persoonlijkheid die geheel zelfstandig kan werken, verantwoordelijk en leergierig is;
- Een voltooide MBA, HEAO BA, of vergelijkbare opleiding;
- Uitstekende beheersing van de Nederlandse en Engelse taal in woord en geschrift;
- Goede contactuele eigenschappen.

Geboden wordt:

- Een afwisselende functie met ontplooiingsmogelijkheden en een goede salariëring.

Sollicitaties:

Geïnteresseerde kandidaten wordt verzocht hun curriculum vitae met begeleidend schrijven te sturen naar Chapeau Aruba n.v., Weststraat 50, P.O. Box 691, Oranjestad, t.a.v. Gea Sougé. Voor meer informatie kunt u contact opnemen met telefoon (297) 833580.